

فيديو # ٦٢٥ من مقاطع حظر التجول تدبر سورة ق # ٦ الآية -٣٢

٤٣

فاضل سليمان

السلام عليكم ورحمة الله وبركاته اهلا بحضراتكم في المقطع رقم خمسية ستة وعشرين من مقاطع حظر التجول والحلقة السادسة من حلقات تدبر سورة قاف ارجو من حضراتكم تجبيوا المصاحف. واقرا معي الآية ثلاثة وعشرين - 00:00:04

اعوذ بالله السميع العليم من الشيطان الرجيم وقال قرينه هذا ما لدی عتید وقال الواو دي واو عطف يبقى لازم نرجع شوية عشان نمسك السياق. ارجع معی من اول الآية عشرين كده - 00:00:31

ونفح في الصور ذلك يوم الوعيد. وجاءت كل نفس معها سائق وشهيد لقد كنت في غفلة من هذا فكشفنا عنك غطاءك فبصرك اليوم حديد وقال قرينه هذا ما لدی عتید - 00:00:52

يبقى احنا دلوقتي لسه في مشهد البعث بعد ما نفح في الصور كل نفس يعني كل انسان جاءت معها سائق يسوقها. وقيل هو عمله في الدنيا هو اللي بيسوقة. وشهيد هو - 00:01:19

نبيه الذي كان لابد ان يتبعه. وقيل ايضا السائق هو الموت الذي ساقه من الایه من الدنيا الى الآخرة. طيب. اقرا ثلاثة وعشرين وقال قرينه هذا ما لدی عتید. قرينه يعني شيطانه - 00:01:34

اللي كان ملازم له من الانس او من الجن شيطانه اللي اقنعه يدخن شيطانه اللي اقنعه يشرب خمرة ده اللي كان قاعد جنبه في في الجامعة ده شيطان انس اللي اقنعه يعصى ربنا او او انه يكفر. شيطان انس - 00:01:53

او شيطان جن اللي بيوسوس له في دماغه ويحث له الافكار. الافكار اللي بتيجي في دماغك ده ده شيطان بيوسوس لك بها وفي الحواميم احنا اخدنا تحديدا في صورة فصلت - 00:02:12

وقيدنا لهم قرناء. جمع قرين وقيدنا لهم قرناء فزينوا لهم ما بين ايديهم وما خلفهم يبقى ربنا قيد قرناء للناس تزين وفي الحواميم ايضا تحديدا في سورة الزخرف ومن يعيش عن ذكر الرحمن نقىض له شيطانا - 00:02:24

فهو له قرين وفي الصفات القرین بيسخر من عقيدة البعث والحساب واحد في الجنة بيحكي للناس وهو قاعد معهم قال قائل منهم اني كان لي قرين. يقول ائنک لمن المصدقين. ائدا متنا وكنا ترابا وعظام - 00:02:50

وهو قاعد في الجامعة بيحكي عن الشيطان بتاعه اللي كان في الدنيا اللي القرین بتاعه اللي كان عمال يحاول معه انه يكفر بعقيدته البعث والحساب والقريب كان بيشكك الانسان في البعث والحساب - 00:03:15

بس هيبجي يوم القيمة بقى يسلموا يعني ايه يقول يا رب الزبون اللي معی جاهز عشان يتحاسب قال يعني يبقى هو ما لوش دعوة بقى بدل كمان ما يدافع عنه ويقول يا رب انا اللي استدرجه وانا اللي اغويته. لا لا لأ - 00:03:31

اقرا بقى ثلاثة وعشرين. وقال قرينه هذا ما لدی عتید يعني الشياطين دول هيسلموا الناس اللي هم اغواهم تسلیم اهالي. احنا في مصر نسمیها تسلیم اهالي يعني يعني هيسلموهم بنفسهم - 00:03:47

زي ما يكون واحد بالظبط جند واحد عشان يشتغل معه في عصابة سرقة وفي الآخر هو اللي راح سلمه للبوليس حاجة بمنتهى الندالة اربعة وعشرين وخمسة وعشرين وستة وعشرين القيا في جهنم كل كفار عنيد. مناع للخير معتد مریب - 00:04:05

الذی جعل مع الله الها اخر فالقيا في العذاب الشديد. ربنا سیأمر السائق والشهيد بالقاء كل كفار عنيد مناع للخير معتد مریب

مشرك في العذاب مشرك يؤمر قرون يلقوهم في العذاب الشديد - 00:04:29

قلنا السائق هو الموت او عمل الانسان بيسوق الانسان يوم القيمة والشهيد هو النبي الذي كان لازم الشخص ده يتبعه مش بالضرورة سيدنا محمد عليه الصلاة والسلام لكن شخص مسلا جه - 00:04:53

بين فترة السيد المسيح وسيدنا محمد عليه الصلاة والسلام يبقى لازم كان يؤمن بالسيد المسيح عليه الصلاة والسلام اذا كل من سيكفر بالنبي الذي كان واجب عليه ان هو يتبعه 00:05:10

ثم يأتيه الموت يسوقه في الى الاخرة بقى هو ده اللي اذا كفر اذا يلقى في النار صفات اهل النار ايه بقى زي ما جت هنا في في الآيات دي - 00:05:22

القى في جهنم كل كفار عنيد. كفار كفار شديد الكفر صيغة مبالغة على وزن فعال عنيد هو الذي لا يريد ان يصل الى الحق. يصر على موقفه مهما كان لذلك فرعون مسلا كفار - 00:05:37

شديد الكفر واصر على موقفه عنيد كفار عنيد اصر على موقفه حتى بعد ان رأى الآيات التي جاءت الى ان جاءته سكرة الموت وهو بيغرق ها اعلن اسلامه ولا بس خلاص - 00:06:02

ابو سفيان رغم كفره الا انه اثنى على خلق النبي صلى الله عليه وسلم. لما سألا عنده هرقل وخرج قال له انت ازاي تشكر فيه؟ يعني ازاي تقول ان عنده اخلاق وانه ما - 00:06:18

قال خشيت ان تقول العرب اني كذاب ثم بعد كده اسلم ثم بعد كده قاتل مع النبي صلى الله عليه وسلم وعيشه ففقيه عين من عيونه ففقيه في غزوة الطائف - 00:06:31

وفقد العين الثانية في اليرموك وهو يقاتل الروم تحت قيادة خالد بن الوليد. وبعد كده فقد نزره كله في سبيل الله. هو ده الفرق بين الكفار العنيد وواحد كان كافر - 00:06:43

يحارب الاسلام ثم يسلم ثم يحسن اسلامه الصفة الثانية غير بعد كفارة عنيد مناع للخير يغلق المساجد بهدم المساجد. يمنع الدعاء. يمنع الدعوة. يمنع التبرعات للصادمين في وجه الاحتلال مسلا. مناع للخير. عمال يمنع الخير - 00:06:55

كويت انه يمنع الخير معتمد بيعتدي على الناس بيعتدي على حرمات الله مريض يشكك الناس في صحة الدين. خلي بالك الفرق بين الريبة والشك ايه الشك يكون بحيد الشك هو عدم التأكد من شيء. انا اشك هو نجح ولا ما نجحش؟ ما يفرقش معی الاتنين. انا محاید في الحة دي - 00:07:17

انما الريبة شك مع اتهام انا مرتاب في فلان يعني انا شاكك انه حرامي او شاكك انه نصاب او شاكك انه كذاب. مرتاب المريض هو اللي بيثير الريبة في قلوب الناس - 00:07:47

يشكك الناس في نبوة محمد عليه الصلاة والسلام. يشكك الناس في صحة الدين. يشكك الناس في نسبة القرآن الى الله سبحانه وتعالى اقرا معي الاي ستة وعشرين مية وستة وعشرين - 00:08:05

الذى جعل مع الله الها اخر يعني كمان مشرك بيشرك بالله يعبد الله اخر زي مسلا اللي بيعبد صنم معمول من الحجر او اللي بيعبد حيوان زي عباد البقر او اللي بيعبد انسان زي عباد بودا او عباد السيد المسيح - 00:08:29

ومسلم اسمه عبدالرحمن لكن في الحقيقة ليس عبدا للرحمون هو عبد للدولار شوف الذي جعل مع الله الها اخر قال تعس عبد الدينار وعبد الدرهم وعبد الخميصة تعس وانتكس واذا شيك فلا انتقاش - 00:08:50

تعس النبي صلى الله عليه وسلم بيذعو عليه انه يتعس يعيش تعasse عبد الدينار يعني اللي بيعبد الفلوس الكبير. الدينار ده دينار دهب الجنيه اتباع دلوقتي وعبد الدرهم اللي بيعبد اي فلوس حتى لو قليلة - 00:09:19

الدرهم قيمته اقل من الدينار. الدرهم فضة وعبد الخميصة اللي بيعبد الشياكة والموضة والقطيفه تعس وانتكس واذا شيك فلن انتكس يعني كل ما ييجي يقوم يقع اذا شيك يعني اذا اذا في شوكة جت فيه فلا انتقاش. ما يعرفش يشيلها بالمنقاد بالمناقش - 00:09:34

المنقاش اللي هو الملاقط خصوصاً بيذيع عليه. بيقى حياته كرب كده وفشل طب ما احنا ممكن نكون بنحب الفلوس ممكن نكون بنحب نلبس كويس هل الحديث ده ينطبق علينا هناك نص آخر لهذا الحديث - [00:09:59](#)

تعس عبد الدينار والدرهم والقطيفة والخميسة ان اعطي رضي وان لم يعطى لم يرضي يعني الخطر انك تحب الاشياء دي لدرجة انها تجعلك تغير مبادئك ترضى او لا ترضى على اساس الاشياء الدنيوية والمادية - [00:10:19](#)

هنا الخطر اول ما رينا يصدر الحكم بالقاء اهل النار في النار. الخونة هيدافعوا عن نفسهم الشياطين سواء شياطين الجن او شياطين الانس هيببدأوا يدافعوا عن نفسهم. اقرأ سبعة وعشرين. قال قرينه رينا ما اطفيته - [00:10:41](#)

ولكن كان في ضلال بعيد القرين هيقول يا رب انا ما ليش دعوة مش انا اللي اطفيته وخليته يكفر ويعصي ده هو اللي كان فيه ضلال بعيد وعلى فكرة الشيطان كلامه صحيح الى حد كبير جدا. هو ما ضربش حد على ايده - [00:11:03](#)

ولا اكبر حد يكفر او يعصي ده الشيطان مش مصدق ان الناس استجابت لكلامه بالسهولة دي زي واحد بيبيع بضاعة فاسدة ويفاجئ انه بيعمل مبيعات كبيرة جدا والناس عمالة تقول لبعض والناس عمالة تيجي تشتري برضه - [00:11:21](#)

هو مش مصدق قلنا واحنا بنشرح الاية ستاتر ان النفس الامارة بالسوء بتتوسوس بالشهوة والشيطان بيتوسوس بالمعصية المرتبطة بهذه الشهوة الناس بتقع في الكفر وفي المعاصي لما وسوس الشيطان يوافق - [00:11:35](#)

وسوسة النفس انت لما تفتح افتحي تفتحي طبعاً تفتح الموبايل بتاعك طول النهار ماسك الموبايل موبايلاتنا احنا ها اتفرج على رقاقة او على ممثلة مبتذلة في ملابسها او حركاتها او كلامها - [00:12:00](#)

هل هي ضربتك على ايدك عشان تتفرج عليها هي دلوقتي اصبحت شيطان الناس بتاعك او احد شياطين الانس. هم شياطين كتير اصلاً فاصبحت القرين بتاعك. او من ضمن القراء يعني - [00:12:19](#)

ازاي هي معي على طول؟ اه لا معك الموبايل على طول الموبايل طوله انت طول النهار ماسك الموبايل وبتتفرج عليه كل يوم وبتتفرج عليه هي كل يوم. اذا انت جعلتها القرين بتاعك - [00:12:39](#)

فهي بقت من الذين اتبعوا مش بيقول لك انفلونزا مش بيقول لك آآآ بيسموه ايه آآ سلابرتى يعني يعني اتبعوا من الذين اتبعوا وانت بقىت بقىت من الذين اتبعوا - [00:12:52](#)

ركز معى بقى مين هم الذين اتبعوا؟ الشياطين اللي ضر الناس والناس قلدهم ومشيت وراهم وارتكتب المعاصي وارتكتب الحرام بسببهم وبسبب نشرهم للفاحشة او كفروا بسببهم وبسبب كلامهم الناس اللي بتعمل الفيديوهات دية مش عارف مين ايه شريف ايه وبتاع ايه اللي يقعدوا يهبلوا ويقولوا كلام اهبل عشان خاطر يدخلوه في دماغ الناس - [00:13:13](#)

والناس اصلاً ايه عندها اصلاً شهوات فبتوافق الكلام ده الناس تكفر وتخرج من دين رينا فدول الذين اتبعوا مين بقى الذين اتبعوا الناس العادية اللي ما عندهاش شخصية وبتمشي وراء كل ناعق - [00:13:39](#)

سيدنا علي بن ابي طالب قال الناس ثلاثة عالم رباني ومتعلم على سبيل النجاة واحد بيتعلم وفي طريق النجاة وهمج رعاع اتباع كل ناعق يمليون مع كل ريح لم يستضئوا بنور العلم ولم - [00:13:56](#)

يلجأوا الى ركن وثيق دول بقى الناس الایه؟ الذين ايه؟ اتبعوا. الماشيين وراء الایه؟ المسخرة دي. وبيسموها دول نجوم المجتمع. نجوم ايه دول نجوم سبعة وعشرين قال قرينه رينا ما اطفيته ولكن كان في ضلال بعيد بيترأ من الناس اللي اتبعه - [00:14:19](#)

بيقول انا مش مسئول عنهم ولا عن ضلالهم ولا عن كفراهم زي ما سورة البقرة وصفت الای مية ستة وستين في البقرة اذبرا الذين اتبعوا من الذين اتبعوا ورأوا العذاب وتققطعت بهم الاسباب. كلهم رأوا - [00:14:43](#)

العذاب وتققطعت بهم الاسباب فبدأوا يتبرأوا من بعض سبعة وعشرين قال قرينه رينا ما اطفيته ولكن كان في ضلال بعيد. هو كان جاي جاهز اصلاً يا رب انا ما عملتش معه مجهد خالص - [00:14:59](#)

كان في ضلال بعيد يعني كان ضائع ضائع كان في ضلال بعيد ده كان ضائع خالص جاي لي ضائع اصلاً مين اللي ضيعه لما الشيطان بيقول هو جاي لي اصلاً ضائع. مين اللي ضيعه - [00:15:15](#)

النفس ونعلم ما توسوس به نفسه. الانا دي اللي ضيعته ستاشر. ولقد خلقنا الانسان ونعلم ما توسوس به نفسه
النفس هيجة الشهوة والقرىن او الشيطان جمل المعصية - 00:15:30

تمانية وعشرين قال لا تختصموا لي وقد قدمت اليكم بالوعيد ما يبدل القول لدی وما انا بظلم للعبيد ربنا قال لهم وهم بيترأوا من
بعض بقى وابتدوا يتخانقوش بعض - 00:15:53

الذين اتبعوا من الذين اتبعوا والذين اتبعوا بيقولوا بس نرجع بس عشان نتبرع احنا منهم هم كمان ربنا قال لهم ما تتخانقوش بقى. ما
تتخانقوش. قال لا تختصموا لدی ما تتخانقوش عندي هنا - 00:16:13

لان ده اصلا مش هييفيد في اي حاجة خالص وقد قدمت اليكم بالوعيد انا قبل كده قبل ما كل ده يحصل بلغتكم الوعيد بتاعي قدمت
اليكم قبل ما كله يحصل آآ تقدم عن كل ذلك الوعيد بتاعي وصل لكم - 00:16:26

وصل لكم انكم لو استمررتم في طريق الكفر وطريق المعصية اخرتكم هتبقى النار وانتم اللي ما اهتمتوش بهذا الوعيد. لم تهتموا لم
تكتروا بهذا الوعيد ما تتخانقوش بقى. لان اصلا مش هغير كلامي. اقرا تسعه وعشرين. ما يبدل القول لدی وما انا بظلم للعبيد -
00:16:42

ربنا حكم وقدر في سورة الاعراف وهو بيكلم الشيطان قال له ايه لمن تبعك منهم لامان جهنم منكم اجمعين. فربنا قال القول الذي لـ
يبدل انه سيملا جهنم من الشياطين واتباع الشياطين من الانس - 00:17:05

مايو اقرا بقى التسعة وعشرين ما يبدل القول لدی. القول ده مش هيبدل. لان جهنم ده مش هيبدل فما تتخانقوش بقى لـان كل ده ما
لوش اي معنى. ده تحصيل حصري اللي بتعملوه ده - 00:17:31

انتم بـس بتعملوا تتعبوا زوركم وـتتعبوا حنجرتكم وخلاص. مش هيحصل حاجة خالص مهما تبرأتم من بعض مهما اتخانقتم مع بعض
كله تحصيل حاصل لـان ربنا لن يغير قوله ولـما هيـعـزـبـ النـاسـ هـيـكـوـنـ لـاـنـهـ يـسـتـحـقـواـ كـدـهـ فـعـلـاـ مشـ لـانـ رـبـنـاـ بـيـزـلـمـ عـبـيـدـ اـبـدـاـ. كـمـلـ
تسـعـهـ وـعـشـرـينـ وـماـ اـنـاـ بـظـلـامـ لـلـعـبـيـدـ - 00:17:43

واللام صيغة مبالغة بالتالي المتوقع وـانـ ربـنـاـ كـانـ يـقـوـلـ وـماـ اـنـاـ بـظـلـامـ لـلـعـبـيـدـ مـوـضـوـعـ الـلـمـسـ صـيـغـةـ مـبـالـغـةـ فـلـمـ يـعـنـيـ اـيـهـ مـعـنـيـ انهـ يـنـكـرـ
المـبـالـغـةـ فـيـ الـفـعـلـ بـسـ؟ـ هـلـ مـمـكـنـ رـبـنـاـ - 00:18:06

يكون مش ظالم لكن ظالم عادي. ظالم ظالم ظلم بسيط لكن ربنا لما بـيـعـمـلـ شـيـءـ بـيـعـمـلـ اـقـصـاـهـ بـيـسـمـعـ فـهـوـ سـمـيـعـ مشـ سـامـعـ بـيـصـرـ فـهـوـ
بـصـيرـ مشـ مـبـصـرـ كـذـلـكـ لـوـ ظـلـمـ وـلـنـ يـظـلـمـ - 00:18:25

ان يكون ظالم عادي بـقـىـ ماـ الـذـيـ يـمـنـعـ اللـهـ سـبـحـانـهـ وـتـعـالـىـ منـ الـظـلـمـ هـلـ هـنـاكـ منـ يـسـتـطـعـ انـ يـمـنـعـ اللـهـ منـ انهـ يـظـلـمـ ماـ فـيـشـ حدـ
يـقـدـرـ حدـ يـقـدـرـ يـمـنـعـ رـبـنـاـ منـ حـاجـةـ؟ـ ماـ حـدـشـ - 00:18:48

طب اـيـهـ الـلـيـ يـضـمـنـناـ اـنـ رـبـنـاـ ماـ يـزـلـمـ هـلـ رـبـنـاـ حـدـ يـقـدـرـ يـحـطـ لـهـ قـانـونـ رـبـنـاـ حـطـ قـانـونـ لـنـفـسـهـ عملـ صـرـاطـ لـنـفـسـهـ. عـشـانـ كـدـهـ فـيـ
الـقـرـآنـ الـكـرـيـمـ اـنـ رـبـيـ عـلـىـ صـرـاطـ مـسـتـقـيمـ. رـبـنـاـ عـمـ صـرـاطـ لـنـفـسـهـ الـلـيـ هـوـ اـيـهـ؟ـ قـالـ النـبـيـ صـلـىـ اللـهـ عـلـيـهـ وـسـلـمـ - 00:19:05
قالـ اللـهـ تـعـالـىـ يـاـ عـبـادـيـ اـنـيـ حـرـمـتـ الـظـلـمـ عـلـىـ نـفـسـيـ وـجـعـلـتـهـ بـيـنـكـمـ مـحـرـمـاـ فـلـاـ تـظـالـمـوـاـ سـوـفـ لـاـ تـظـالـمـوـاـ تـلـاتـيـنـ يـوـمـ نـقـولـ لـجـهـنـمـ هـلـ
امـتـلـأـتـ وـتـقـولـ هـلـ مـزـيـدـ فـيـ نـاسـ لـمـ تـقـولـ لـهـمـ يـاـ جـمـاعـةـ الـلـيـ بـتـعـمـلـوـهـ دـهـ حـرـامـ - 00:19:27

الـرـبـ حـرـامـ يـاـ عـمـ كـلـ النـاسـ بـتـتـعـاـمـلـ بـخـالـصـ مـعـقـولـ يـعـنـيـ رـبـنـاـ هـيـدـخـلـ كـلـ النـاسـ دـيـ جـهـنـمـ يـعـنـيـ الـاـيـةـ تـرـدـ عـلـيـهـ تـقـولـ اـيـهـ وـلـيـهـ لـاـ
هـايـخـشـواـ كـلـهـ طـبـعـاـ مـيـنـ قـالـ لـكـ اـنـ جـهـنـمـ هـيـبـيـجـيـ وقتـ تـزـدـحـمـ وـتـقـولـ يـاـ جـمـاعـةـ ماـ فـيـشـ مـكـانـ خـالـصـ الـبـاقـيـنـ يـخـشـواـ بـقـىـ الـجـنـةـ
وـخـالـصـ ماـ فـيـشـ مـكـانـ. لـاـ لـاـ. يـوـمـ نـقـولـ لـجـهـنـمـ - 00:19:54

انـطـلـاقـتـيـ تـقـولـ هـلـ مـزـيـدـ وـتـسـعـيـ النـاسـ كـلـهاـ رـبـنـاـ خـلـقـ الـجـنـةـ تـسـعـ كـلـ النـاسـ. وـخـلـقـ النـارـ تـسـعـ كـلـ النـاسـ يـوـمـ الـقـيـامـةـ بـعـدـ ماـ يـدـخـلـ
اـهـلـ الـجـنـةـ جـنـةـ وـاهـلـ النـارـ النـارـ دـوـلـ هـيـوـرـثـواـ مـكـانـ دـوـلـ. وـدـوـلـ هـيـوـرـثـواـ مـكـانـ دـوـلـ. فـمـاـ تـخـافـوـشـ خـالـصـ - 00:20:18
فـيـ اـمـاـكـنـ يـوـمـ نـقـولـ لـجـهـنـمـ هـلـ اـمـتـلـأـتـ وـتـقـولـ هـلـ مـزـيـدـ اـمـاـ اـنـ اللـهـ سـبـحـانـهـ وـتـعـالـىـ يـقـوـلـ لـجـهـنـمـ ذـلـكـ فـعـلـاـ وـيـجـعـلـهـ تـنـكـامـ
بـصـوتـ يـسـمـعـهـ النـاسـ وـدـهـ ظـاهـرـ مـعـنـيـ الـاـيـةـ - 00:20:38

او ان دي استعارة بالغية معناها ان لما ربنا يسأل جهنم قال امتألات ينكشف للناس باطن جهنم ويعرفوا ان لسة في مكان انا عارف
الايات صعبة اووي على قلب الواحد ها - 00:20:58

يلا نحلي بقى نحلي بقى قبل ما واحد وتلاتين محلی معي واخلفت الجنة للمتقين غير بعيد واخلفت الجنة. يعني اخلفت يعني قربت
ربنا قرب الجنة للمتقين اللي طالما سعوا اليها في الدنيا - 00:21:17

وجاهدوا من اجلها في الدنيا وتعدوا من اجلها في الدنيا تكريما له يوم القيمة ربنا هيخلهم مستريحين ويقرب منهم الجنة ايه
الجمال ده واخلفت الجنة للمتقين غير بعيد. مش غير بعيد. لا غير بعيد. ليه - 00:21:42

لان تقديرها ان هنا فيه محدود واخلفت الجنة للمتقين في مكان غير بعيد عاوز تعرف بقى اوساط اهل الجنة ما احنا شفنا اوساط
اهل النار القي في جهنم كل كفار عنيد مناع للخير معتاد مريرب. ده هنا بقى تعالوا نشوف بقى اوصف اهل الجنة بقى - 00:22:05
اتنين وتلاتين وتلاتة وتلاتين هذا ما توعدون لكل اواب حفيظ من خشي الرحمن بالغيب وجاء بقلب منيب هذا الجزاء اللي هو دخول
الجنة هذا ما توعدون. هذا الجزاء هو ما توعدون - 00:22:30

ايه ده لأسانية واحدة يعني ايه ما توعدون؟ مش المفروض تبقى ما يوعدون هل هذا ما توعدون بس الطبيعي ان ربنا بيتكلم عن
المتقين. بصيغة الغائب الطبيعي كانت تبقى هذا ما يوعدون - 00:22:55

معي واحد وتلاتين واتنين وتلاتين مع بعض وشوفي الالتفات الرائع ده حاجة انا انهبلت النهاردة وانا بقرأ الاية دي واخلفت الجنة
للمتقين غير بعيد. بنتكلم على الناس اهو اسمهم المتقين - 00:23:16

بيقي الكلام عنهم بصيغة الغائب هذا ما يوعدون لكل اواب حفيظ ودي قراءة على فكرة قراءة ابن كثير المكي وده الطبيعي المتوقع
من الاية. ان ربنا بيتكلم بصيغة الغائب عن المتقين يقوم يقول هذا ما يوعدون. هم مين هم المتقين - 00:23:33
لكن القراءة الاخرى اللي عليها الجمهور بصيغة المخاطب هذا ما توعدون لكل اواب حفيظ. لها معنيين انهم المتقين والجنة بتقرب لهم
هيسمعوا هذا القول هذا ما توعدون بكل اواب حفيظ - 00:23:54

وايضا لها معنى اخر خطير ان ربنا بيخاطبنا احنا متدربي القرآن في القرن الواحد وعشرين واحنا بنقرا دلوقتي وبيقول لنا هذا ما
توعدون لكل اواب حفيظ انت متخيل اللي حصل دلوقتي - 00:24:13

انت بتقرأ القرآن وربنا بيقص عليك ان المتقين في الاخرة ربنا قرب لهم الجنة بصيغة الماضي. بصيغة الماضي خلي بالك واخلفت ده
في الماضي. واخلفت الجنة للمتقين. فربنا بيقص عليك - 00:24:32

ان بصيغة الماضي يعني الكلام ده حصل حاصل لا محالة بالنسبة لك انت هو هيحصل في المستقبل اه لان ياما لسة ما قامتش بالنسبة
لنا في الدنيا لكن بالنسبة لله كل حاجة حدثت خلاص في علم الله - 00:24:50

فرربنا بيقول لك ان الجنة قربت للمتقين وبعددين التفت الخطاب اليك انت وانت تقرأ و قال لك هو ده الوعد اللي انت بتتوعد به
دلوقتي بصيغة المضارع هذا ما توعدون دلوقتي انتم يا متدربي القرآن الواحد وعشرين بتوعدوا بالكلام ده - 00:25:03

هذا ما توعدون لكل اواب حفيظ. يعني ايه بقى لكل اواب؟ الاواب كثير الاواب بيقول لك ذهابا وايابا ايابا يعني راجع. رايج راجع.
بيقي الاواب هو الرجاع الكبير الرجوع الى الله - 00:25:28

يعني الاواب الشخصي اللي بيرجع كل ما يبعد الشخص اللي بيتب كلام ما يغلط ده صح. ده معنى صح الاواب الشخص اللي بيتب
كل ما يغلط لما تدبر الواحد تدبر كلمة قواب - 00:25:49

سورة صاد خاصة جاية اه وصف الانبياء كلهم اوابين اصبر على ما يقولون واذكر عبدهنا داود ذا الايدي انه اواب. وصف بها سيدنا
داود ووهبنا لداود سليمان نعم العبد انه اواب. وصف بها سيدنا سليمان - 00:26:06

وخذ بيده ضعفا فاضرب به ولا تحنف انا وجدناه صابرا نعم العبد انه اواب. وصف بها سيدنا ايوب دول كلهم انبياء والانبياء
معصومين من ارتكاب المعاصي بيقى اواب يعني ايه؟ كثير الرجوع الى الله كثير التوبة من المعاصي - 00:26:31
بيقى يؤوب لها معنى اخر الرجوع الى الله مش بالضرورة الرجوع عن المعصية وانما الرجوع الى ذكر الله وعدم الابتعاد عن ذكر الله.

اسمعوا بقى دي رحت ادور على اواب - 00:26:53

في السنة لقيت حديث في صحيح مسلم وبشرح النووي شرحه شرح خطير قال صلى الله عليه وسلم صلاة الاوابين اذا رمضانت الفصال. قال النووي في شرح صحيح مسلم ان هذا هو وقت الضحى - 00:27:14

وقت الضحى هو ده صلاة الاوابين. صلاة الاوابين هي صلاة الضحى مش اللي بين المغرب والعشاء زي ما فيه ناس بتقول الكلام ده مش صحيح ليه صلاة الضحى اسمها صلاة الاوابين؟ عشان الفجر الساعة اربعة الصبح. اربعة الفجر - 00:27:38
والضهر الساعة واحدة مين ده اللي هيقدر يقعد تسع ساعات ما يصليش في ناس ما تقدرش تقدر المدة دي كلها بعيدة عن الله. فتقوم مصلية في النص كده نافلة اسمها الضحى. بيقى اسمها صلاة الاوابين - 00:27:56

عشان كثير الرجوع الى الله هنا بقى لازم نفهم ليه انا مصر ان احنا ما نفوتش ولا يوم بدون تدبر القرآن مش عشان نتمنزر في ناس طبعا احنا بنتمنزر قدام اأ - 00:28:11

عشان الاوابين هم الناس المتعودين دايما على الرجوع الى الله وبنرجع الى الله ازاي؟ هو ربنا له مكان عشان نروح له فيه؟ لطبعا. ربنا لا يحده مكانه اذا الرجوع الى الله يكون بكثرة ذكر الله - 00:28:29

وذكر الله ينقسم الى تلات اقسام رئيسية واحد تدبر القرآن بدون تدبر انا بقول لكم اهو ما تحطش امل كتير يعني الذكر هو التدبر القرآن اتنين الصلاة بخشوع هي الصلاة ذكر؟ ايوه طبعا الصلاة ذكر - 00:28:48

ازاي الدليل ايه؟ واقم الصلاة ان الصلاة تنهى عن الفحشاء والمنكر ولذكر الله اكبر. يعني الصلاة اكبر من الفحشاء والمنكر الوصاية هي الذكر لكن الصلاة تكون بخشوع. لكن واحد بينقر صلاته اي كلام بدون خشوع. وتقول لي دي هتفيده ودي هتقربه من ربنا اأ. واحد بيقرا القرآن ومش دريان ومخه مش شغال في حاجات تانية - 00:29:09

خالص بيقعوا بسرعة بسرعة بسرعة عشان يخلص. لا انا اسف جدا. لازم القرآن بتدبر. وصلاتكم بخشوع. تلاتة الدعاء والمناجاة والاذكار التلاتة دول اللي بيعملهم بيقى من الاوابين. بيقى ازاي ازاي نقضى اكتر من اربعة وعشرين ساعة من غير ما تدبر القرآن - 00:29:33

المسألة مش منزرة عايز تبقى من الاوابين نحافز على تدبر القرآن كل يوم وتبقى من اوابين ازاي مش تبقى من الاوابين بقى كمل الاية اتنين وتلاتين معى هذا ما توعدون. ربنا بيقول لنا احنا دلوقتي. هذا ما توعدون لكل اواب حفيظ - 00:29:53

حفيظ محافظ على توبته لا ينقضها حفيظ محافظ على دينه وملتزم بشرع الله. حفيظ محافظ على قلبه بعمل الصيانة الدورية بذكر الله اللي هو تدبر القرآن الصلاة بخشوع الذكر ومناجاة والدعاء - 00:30:15

تلاتة وتلاتين من خشي الرحمن بالغيب وجاء بقلب منيب في صفات اهل الجنة بقى اللي خشي الرحمن الخشية خوف من عظمة المخشي انت بتخشي حد بتخشي عظمته بيقى اسمها خشي اسف. بتخاف من عظمة حد بيقى بتخشاه - 00:30:35

سورة فاطر انما يخشى الله من عباده العلماء. يعني العلماء لما ادركوا عظمة الله بعلمهم ادركوا عظمة الله رشوه الجهلاء لما جهلوها عظمة الله لم يخشوه اذا الخشية هي خوف من عظمة المخشي - 00:31:04

القاهرة تلاتة وتلاتين من خشي الرحمن بالغيب يعني ايه بالغيب قبل ما تتضح الامور وتقوم الساعة وان الناس ترى الحق والباطل كان هناك من يؤمن بالغيب متأكد ان بعد الموت حساب - 00:31:32

احنا دلوقتي متأكدين ان بعد الموت في آآ بعث ولا اأ؟ اه متأكدين. طيب وان بعدبعث فيه حساب ولا اأ؟ اه متأكدين وان بعد الحساب اما جنة واما نار اه متأكدين. طب ايه اللي اكده لنا - 00:31:51

هل شفنا بعینا او حسيينا بای حاسة من الحواس الخمسة بتاعتنا؟ لآ امال ايه ده متأكدين ليه؟ سمعنا في القرآن وصدقنا. بيقى احنا صدقنا بالغيب قبل ان نرى - 00:32:08

اللي فاض بال بالنسبة لنا ان ده ان التصديق ده يؤدي الى خشية الله احنا مصدقين الحمد لله لكن لازم هذا التصديق يصل الى مرحلة انه يصل بنا الى خشية الله - 00:32:24

قارن بقى اللي خشي الرحمن بالغيب بالثاني اللي كان فيه غفلة لغاية ما جاءت سكرة الموت وتأكد ورأى بعينه وبصره بقى حديد فشاف وامن ما كانش مؤمن به في الدنيا عكس بعض بالزبط ده - 00:32:40

اه اه من خشي الرحمن بالغيب هو وصل لمرحلة التصديق والخشية كمان والثاني اقرا اتنين وعشرين معنديه. ارجع بسرعة على اتنين وعشرين. لقد كنت في غفلة من هذا فكشفنا عنك غطاءك فبصرك اليوم - 00:32:58

حديد النهاردة هذا المجرم اللي كفر في الدنيا صدق في الآخرة لأن بصره انكشف قدام بصره. احنا الحمد لله صدقنا بالغيب قبل ما نشوف ثلاثة وتلاتين من خشي الرحمن بالغيب وجاء بقلب منيب - 00:33:16

القلب هو المشاعر وجاء بقلب منيب يعني كل مشاعره جاءت مشحونة بالإيمان اديكم مسال واحد قاعد في صلاة الجمعة وسمع سورة قاف من الامام على المنبر ففاضت عيناه وهو يسمعها - 00:33:38

حالة جميلة جدا ايمانية عالية اوبي ثم صلی ورأى الامام وبكي في الصلاة حتى بل سجادة المسجد حاجة جميلة جدا ثم هو خارج وفي هذه الحالة من الخشوع لقى سيارته مخبطة - 00:33:58

قادم المسجد واحد وهم في الصلاة خبط سيارته وطلع يجري بالعربية بتاعته وخلاص فلما شافوا عربته مخبطة يزعق ويعلي صوته ويصرخ ومش معقول كده مع شخص اخر طب ده مشكلته ايه - 00:34:18

هو فعلًا عنده مشاعر الخوف من الله وبيتأثر بالقرآن واضح ان ايمانه قوي جدا في هذه المشاعر لكن مشاعر الرضا بقضاء الله فيها مشكلة كبيرة عنده ايماناته مش قوية في مشاعر اخرى - 00:34:44

بيقى هو يحتاج يقوى ايمانه في كل المشاعر حتى يأتي بقلب سليم سورة الشعراة الا من اتى الله بقلب سليم. يبقى القلب السليم هو القلب المنيب ده. اللي بيرجع الى الله في - 00:35:05

كل شيء معندي اربعة وتلاتين هنخلص خلاص قربينا نخلص ادخلوها بسلام ذلك يوم الخلود تخيل الراحة والفرحة اللي سنشعرها باذن الله عندما نسمع هذا الاذن بالدخول واحدنا بيتنقال لنا ادخلوها بسلام - 00:35:24

ذلك يوم الخلود. ده اللي معه باسبور مصري. وهو داخل امريكا ولا بريطانيا ولا اي دولة من الدول دي زابط الجوازات يسأله انت جاي ليه نقدر بقى نتمحلى بابتسمة كده وخفة دمه جايين عشان بنحب بلدكم قوي. بلدكم جميلة قوي. وجايين نعمل شوبينج ونصرف فلوستنا بقى في محلاتكم وبتاع عايزيين نقنع الرجال - 00:35:59

اتفضلوا وبتاع ومن جوة الواحد عم قلبه عمال يقول يا رب يا رب يا رب يسمح لي ادخل يا رب يسمح لي ادخل اول ما الاقيه بيمسك الختم وبيختم الجواز وبيديه لك عشان تتعدي يقول لك اتفضل - 00:36:19

قلبك بيقى هيفط من الفرحة هو في ايه فاكر نفسك داخل فين الجنة الفرحة الحقيقية هي يوم ما يقال لك على باب الجنة ادخلوها بسلام ذلك يوم الخلود اللهم اجعلني واياكم من الاوابين الذين يخشون الرحمن بالغيب - 00:36:30

وقلوبهم منية سليمة فيقال لهم يوم القيمة ادخلوها بسلام ذلك يوم الخلود ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا - 00:36:55

فيما تحب وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهليها واموالها ومن الماء البارد على الظماء اللهم حبنا اليك والى ملائكتك وابيائكم ورسلك وعبادك الصالحين. واجعلنا من يحبك ويحب - 00:37:18

ملائكتك وابيائكم ورسلك وعبادك الصالحين اللهم احبي قلوبنا بحبك. واجعلنا لك كما تحب. اللهم اجعلنا نحبك بكل قلوبنا يرضيك بكل اجسادنا. اللهم اجعل حبنا لك وسعينا كله في مرضاتك - 00:37:42

اللهم اجعل القرآن الكريم ربيع قلوبنا ونور صدورنا وجلاء احزاننا وذهب همومنا وغمومنا ومغفرة ذنبينا اسأل الله العلي العظيم ان يجعل هذا التدبر في ميزان حسناتكم وحسناتكم جميعا اللهم فاطر السموات والارض عالم الغيب والشهادة انت تحكم بين عبادك فيما كانوا فيه يختلفون - 00:38:06

فيتحقق كل حرف في كتابك تلوناه او تدبناه اكتفينا واهلينا واخواننا واحواتنا شر كل من يكيد لنا وله. واحفظنا واياهم من شرورهم.

ونجعلك اللهم في نحورهم فانت ولا حول ولا قوة الا بك - 00:38:34

اللهم بحق كل حرف في كتابك تلوناه او تدبرناه. ايد بنصرك المباركة فلسطين كن مع اخواننا في تركستان
وانصرهم وانصر من نصرهم واخذل كل من خذلهم وطهر المسجد الاقصى من الدنس فانهم لا يعجزونك - 00:38:51

اللهم من قضى منا بالوباء المنتشر فاكتبها له شهادة ومن كان منا او من احبابنا او من اخواننا او من اخواتنا او من مشايخنا او من علمائنا مريضا به او حاملا له فالبسه ثوب الصحة والعافية عاجلا غير - 00:39:11

واجل ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد اجتمعوا على كتابك وعلى محبتك والتقت يا ربنا على طاعتكم وتوحد - 00:39:27

على دعوتك وتعاهدت على نصرة شريعتك. فوثق اللهم رابطتها. وادم ودها واهدها سبلها. واملأها بنور الذي لا يخبو واشرح صدورها بفيض الايمان بك وجميل التوكل عليك. واحبها يا ربنا بمعرفتك. وامتها يا مولانا على - 00:39:46

شهادتي في سبilk انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله نفس هذا الموعد ان كنا من اهل الدنيا - 00:40:06